

Embargo : Hanya boleh diterbitkan atau disebarkan mulai jam 1200, Khamis, 29 Julai 2021



KENYATAAN MEDIA
INDEKS HARGA PENGELUAR (IHPR) PENGELUARAN TEMPATAN MALAYSIA
JUN 2021

Indeks Harga Pengeluar naik 11.5% pada Jun 2021

PUTRAJAYA, 29 Julai 2021 – Pada hari ini, Jabatan Perangkaan Malaysia menerbitkan, Indeks Harga Pengeluar (IHPR) pengeluaran tempatan bagi bulan Jun 2021. IHPR pengeluaran tempatan yang mengukur kos barangan di pintu kilang meningkat 11.5 peratus pada bulan Jun 2021, menandakan lima bulan berturut-turut ia merekodkan aliran menaik.

Mengulas laporan tersebut, Ketua Perangkawan Malaysia, Dato' Sri Dr. Mohd Uzir Mahidin, berkata "Indeks Perlombongan meningkat 64.4 peratus disebabkan harga gas asli yang lebih tinggi serta kenaikan yang berterusan bagi minyak mentah. Indeks Pertanian, perhutanan dan perikanan meningkat pada kadar yang lebih perlahan 29.8 peratus (Mei 2021: 60.0%) kerana harga yang lebih rendah bagi minyak sawit mentah dan ternakan. Di samping itu, indeks Pembuatan yang dipengaruhi oleh kenaikan harga komoditi utama dan komoditi berkaitan pembinaan turut menunjukkan peningkatan signifikan (6.7%). Dari segi indeks utiliti, Bekalan air naik 1.6 peratus dan Bekalan elektrik & gas turun 0.2 peratus."

Jelas beliau lagi, "Bagi perbandingan bulanan, IHPR pengeluaran tempatan merekodkan peningkatan marginal 0.2 peratus pada Jun 2021 berbanding 1.0 peratus pada bulan sebelumnya. Peningkatan ini disokong oleh indeks Perlombongan (8.2%) dan Pembuatan (0.8%). Sementara itu, Pertanian, perhutanan & perikanan, Bekalan elektrik & gas dan Bekalan air mencatatkan penurunan masing-masing 10.5 peratus, 0.8 peratus dan 0.2 peratus."

Dato' Sri Dr. Mohd Uzir Mahidin turut menyatakan, "IHPR pengeluaran tempatan bagi suku kedua 2021 naik 11.3 peratus kepada 111.3 berbanding 100.0 pada suku yang sama tahun sebelumnya. Pertumbuhan ini disebabkan kenaikan indeks Perlombongan (74.0%), Pertanian, perhutanan dan perikanan (46.0%), Pembuatan (5.0%) dan Bekalan air (1.4%). Sementara itu, indeks Bekalan elektrik & gas mencatatkan penurunan 0.3 peratus. Bagi perbandingan suku tahunan, IHPR pengeluaran tempatan turun 2.6 peratus berbanding 5.1 peratus pada suku pertama 2021."

Jabatan Perangkaan Malaysia juga melaporkan IHPR mengikut peringkat pemprosesan. Pada Jun 2021, semua peringkat pemprosesan mencatatkan kenaikan harga. Indeks Bahan mentah untuk diproseskan selanjutnya meningkat 39.2 peratus pada Jun 2021 berbanding 53.6 peratus yang dicatatkan pada bulan sebelumnya. Indeks Bahan perantaraan, bekalan & komponen turut meningkat 9.0 peratus. Sementara itu, indeks Barang siap meningkat 0.3 peratus.

Banci Penduduk dan Perumahan Malaysia 2020 (Banci Malaysia 2020) secara dalam talian (e-Census) sedang dilaksanakan di seluruh negara sehingga liputan penuh dapat dicapai. Semua penduduk Malaysia diseru untuk memberikan kerjasama dalam menjayakan Banci Malaysia 2020 bagi memastikan tiada yang ketinggalan kerana data anda masa depan kita. Sila layari portal Banci Malaysia 2020 di www.mycensus.gov.my atau media sosial @MyCensus2020 untuk maklumat lanjut.

Dikeluarkan oleh:

PEJABAT KETUA PERANGKAWAN MALAYSIA
JABATAN PERANGKAAN MALAYSIA
29 JULAI 2021



MEDIA STATEMENT
FOR MALAYSIA PRODUCER PRICE INDEX (PPI) LOCAL PRODUCTION
JUNE 2021

Producer Price Index increased 11.5% in June 2021

PUTRAJAYA, 29th July 2021 – Department of Statistics, Malaysia has released the report on Producer Price Index (PPI) local production for June 2021. The PPI local production which measures costs for goods at the factory gate, increased 11.5 per cent year-on-year in June 2021, marking the fifth consecutive months it recorded an upward trend.

Commenting on the report, Chief Statistician Malaysia, Dato' Sri Dr. Mohd Uzir Mahidin, Mahidin highlighted, "The Mining index increased 64.4 per cent due to higher price in natural gas as well as continuous increase in crude petroleum. Index for Agriculture, forestry and fishing inclined at a slower pace of 29.8 per cent (May 2021: 60.0%) because of lower price in crude palm oil and livestock. In addition, the Manufacturing index, which was influenced by the rise in primary and construction-related commodities prices, also showed a significant increase (6.7%). In terms of utility indices, Water supply rose 1.6 per cent and Electricity & gas supply declined 0.2 per cent."

He added that, "On a monthly basis, the PPI local production registered marginal increase of 0.2 per cent in June 2021 as compared to 1.0 per cent in the previous month. The increase was supported by the index of Mining (8.2%) and Manufacturing (0.8%). Meanwhile, Agriculture, forestry & fishing, Electricity & gas supply and Water supply indices recorded a decline of 10.5 per cent, 0.8 per cent and 0.2 per cent respectively."

Dato' Sri Dr. Mohd Uzir Mahidin also stated that, "The PPI local production for the second quarter of 2021 rose 11.3 per cent to 111.3 from 100.0 in the same quarter of the previous year. The increase was contributed by the index of Mining (74.0%), Agriculture, forestry & fishing (46.0%), Manufacturing (5.0%) and Water supply (1.4%). Meanwhile, Electricity & gas supply recorded a decline of 0.3 per cent. On a quarterly basis, the PPI local production rose 2.6 per cent as compared to 5.1 per cent in the first quarter of 2021."

The Department of Statistics Malaysia also reported the PPI local production by stage of processing. In June 2021, all stages of processing recorded an increase in price. The index of Crude materials for further processing increased 39.2 per cent as compared to 53.6 per cent recorded in the previous month. The index of Intermediate materials, supplies & components also increased 9.0 per cent. Meanwhile, the Finished goods index edged up 0.3 per cent.

The Malaysia Population and Housing Census 2020 (Malaysia Census 2020) via online (e-Census) is being conducted nationwide until full coverage has been accomplished. All Malaysian residents are urged to cooperate in realising the success of Malaysia Census 2020 to ensure that no one is left behind as your data is our future. Please visit the Malaysia Census 2020 portal at www.mycensus.gov.my or social media @MyCensus2020 for more info.

Released by:

**THE OFFICE OF CHIEF STATISTICIAN MALAYSIA
DEPARTMENT OF STATISTICS, MALAYSIA
29th JULY 2021**